

19. august 2022

UKA2022/62

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Naalagaaffeqatigiinni oqartussat suliassaqarfik “pas” pillugu nassuiaasiornissaat siunertaralugu attaviginninnissaanik, taamalu suliassaqarfiup tiguneqarnissaa siunertaralugu, Naalackersuisut peqquneqarnissaat pillugu Inatsisartunut aalajangiiffigisassatut siunnersuut. Passimut suliassanut ilaapput passimik tunniussisarneq aamma pinngitsoorani passeqartussaataaerermut tunngasut. Inatsisitigut allaffissornikkullu kingunissai pillugit paasisutissiilluni allaatiginninneq imaqassaaq, tiguneqarnissaanut atatillugu ingerlanneqarneranut aningaasatigullu kingunissai ilanngullugit.

(Inatsisartunut ilaasortaq Kuno Fencker, Siumut)

Tungavilersuut:

Kalaallit Nunaata siunissami qaninnermi suliassaqarfiit inuiaqatigiinnut pitsaasumik sunniuteqarsinnaasut, suliassaqarfiillu inuiaqatigiit ineriartornerannut sunniuteqarsinnaasut tigusinissaa Siumup anguniagaraa, taamaaliornermi inatsisit inuiaqatigiinnut sunniuteqarfissaminnut immikkoortunullu ataasiakkaat inuiaassutsikkut kinaassusaannullu sunniuteqarsinnaasut.

Maanna pissutsit malillugit qallunaatut innuttaassusillit passii, LKB nr. 76, 19/1-2017-meersoq¹, kingorna allannguutit ilanngullugit, kiisalu BEK nr. 2693, 28/12-2021-meersoq² naapertorlugu Danmarkip isumagisarai.

Suliassaqarfiup tiguneqarneratigut kalaallit oqartussaasut pasinik tunniussisarneq pillugu malittarisassiorsinnaanermut oqartussaaffeqalissapput, suliassaqarfimmillu ingerlatsisinnaanngorlutik. Tamatumalu pasit Kalaallit Nunaanni tunniunneqartut qanoq qalipaateqarnissaannut, inuinnullu kikkunnt ilaanermut nammineerluta aalajangiisinnaalissaagut.

Taakku saniatigut Kalaallit Nunaanni Namminersorneq pillugu Inatsit, inatsimmut nassuiaatit imm. 4.4.7³, ilaatigut ima allassimasoqartoq innersuunneqarpoq; ”Suliassaqarfik pasinik tunniussisarnermut pinngitsooranilu paseqartussaanaermut apeqquummik imaqarpoq. Suliassaqarfimmi ilaatigut inuup pasimik tunineqarsinnaanerani piumasaqaatit suut

¹ <https://www.retsinformation.dk/eli/Ita/2017/76>

² <https://www.retsinformation.dk/eli/Ita/2021/2693>

³ https://www.ft.dk/samling/20081/lovforslag/1128/20081_1128_som_fremsat.htm

naammassineqarsimanissaannik pasillu tunniunneqarsimasup
arsaarinnissutigineqarnissaa malittarisassat suut malillugit pisinnaanera kiisalu nunamut
tikinnermi aallarnermilu paseqarnissamik allamilluunniit angalanermi kinaassutsimik
uppernarsaateqarnissap pisinnaanera pillugu apeqqutit ilaapput.” (*nammineq nutsigaq*)

Taamak oqaaseqarlunga siunnersuut Inatsisartunut suliassanngortippara, neriullunga
oqaloqatigiilluartoqassasoq.

Pisortanut aningaasatigut allaffissornikkullu kingunerisassai

Naalagaaffeqatigiinnut attaveqarnermi kingornalu nassuiaatip allaffissornikkut suliarineqarnissaa
pisortani ukiup affaani sulinermik nassataqassasoq naatsorsuutigineqarpoq.

Namminersortunut aningaasaatigut allaffissornikkullu kingunerisassai

Nassuiaat kingorna aalajangernissamut toqqammaviunissaa pissutigalugu soqanngilaq.

Innuttaasunut aningaasatigut allaffissornikkullu kingunerisassai

Nassuiaat kingorna aalajangernissamut toqqammaviunissaa pissutigalugu soqanngilaq.

*(Una qallunaatuumiit nutsigaavoq – kalaallisut nutsernera qularnartoqarpat, qallunaatuua
atuuppoq)*